

مکتبہ اسلامیہ

۱۹ نجی سنہ

جزو، عدد : ۸۹

سنہ ۱۳۱۷





آلماناق دۇ غۆطه

تاریخ احداثی اولان ۱۷۶۳ سنه میلادیه سبندن اعتباراً بلا فاصله دوام ایدن
آلماناق دۇ غۆطه بوسنه ۱۳۷ نجی نسخہ سنی ده نشر ایلشدر .

آلماناق دۇ غۆطه ۱۸۷۱ سنه میلادیه سنده که، آلمانیا ایمپراطورلغنک سنه اعلانیدر؛
اولکی قطعه و حجمی بیوتمش ایدی . ایشته اوتاریخندن اعتباراً اوتوزنجی سنه سی
اولان ۱۹۰۰ سنه میلادیه سی ایچون بودفعه نشر ایتدیگی نسخیه بشقه بر شکل
جسامت ویرمشدر .

۳۰ سندن برو ۹ سانتیمتره عرض و ۱۳ سانتیمتره طولنده نشر اولنورایدی .
بوسنه کی نسخہ سنی عرضاً اونه و طولاً اون بشه ابلاغ ایلشدر . اولکی قطعه سنک
حجمی ۱۴۰۰ کسور صحیفه یی شامل و بوسنبله محبیط ایدی . شمدیکی آلدیغی شکلده
صحیفه لر طولاً و عرضاً بیومش اولدیغندن مقدار صحائفی ۱۲۱۴ ده تنزل ایتمش
و بصورتله حجمیله قطعه سی آرسنده برتناسب حاصل اولمشدر .

غۆطه سالنامه سی اوروپاده نشر اولسان آثار سنویه نك كرك قدماً و كرك
نوفاً جمله سنه فاقدر .

بۇ اثر آلمانیا نك غۆطه شهرنده مشهور [یوستوس پرتس] Justus Perthes
نام خاندانك دارالجغرافیسنده ترتیب اولنور . قطعات خمسدهه شكل انتظام آلمش
نه قدر خکومت وار ایسه طرز اداره لرینی، حکمدارلرینی رؤسا و رجال سیاسیہ
و قوای حربیه و مالیہ و احوال تجاریہ و نفوس موجوده سنی کافه و مجملای بیان ایدر .
غۆطه سالنامه سنک محتویاتی نظر رسمیتله تلقی ، انگلتره ، آلمانیا ، اوستریا ، و
فرانسه و ایتالیا و اسپانیا و روسیه دولتلیرله آمریکا دولت متحده سنبه نص عهده

مستنددر . (Conventionnel) چۈنكى بۇ سالنامە اوروپادە اريكدنشين اقلان كافه
 حكمدارانك سلسله انساني و هانكي خاندانه منسوب اولوب هانكي خاندان
 حكمدارى ايله صهرأ مناسباتده بولندقلرينى و جالس حكومت اقلان بر پرنسك
 پدى و پدى نك پدى نه وقت طوغوب، نه وقت مسند حكمدارى به نائل و نه
 تاريخده مرتحل اولديغنى و والده سنك هانكي خاندان بولنديغله برادر و همشيره
 لر نك برخيات اولان ويا وفات ايدنلر نك تاريخ تولد و ارتحاللرينى و آنلر ك
 اولادىنى و پدر جهتدن اولان خاله و عم و عم زاده لر نك و آنلر ك اولادىنى و بونلر ك
 كيملرله مصاهرته بولندقلرينى تاريخ ازدواجلرينه قدر ضبط و قيد ايدنر . بنباء عليه
 (ژنه آلوزى) دينلان (شجره انساب) حكمداران بۇ سالنامده فوق الغايه بردقت
 مخصوصه ايله ضبط اولمش اولديغندن ، پرنسلر ك يوم ولادتلىرله يوم قعودلرينى
 بۇ سالنامده نظراً تبرك ايتك اوروپا سرايلرنجه اصول تشرىفاتيه دندر .

غوطه سالنامەسى ۳ قسم اوزره مرتبدر .

برنجى قسم (قاندرى) قسم تقويميدر . بونده ايام مخصوصه دينيه و مدنيه ايله
 افرنجى ، رومى ، موسوى و هجرى تقويملرى و خسوف و كسوف گي احوال اجرا
 ميه مندر جدر .

ايكنجى قسم ، (ژنه آلوزى) قسم انسابدر . بونده بالاده تعريف ايدلدېگى
 اوزره انساب حكمداران بۇ بحث اقلنور .

اوچنجى قسم ، ديپلوماسى ايله ايستاتىستيق قىسمى در . بوقسمده حكومتلر ك راس
 كرده بولان رجال سياسيه سييله رؤساي مجالسنى ، شقراسى صور و اشكال اداره لرى
 برى و بحرى قواى حربيه لر نك حضرى و سفرى مقدارى ، بودجلىرى ، اخراجات
 و ادخالاتى ، مقدار نفوسى ، و هر بش سنده بر كره نفوسجه اقلان انقلاباتى ،
 و ايستاتىستيقه متعلق سائر خصوصاتى محرردر .

بۇ اقسام ثلثه دن صكره نهايت سالنامده برده « تصحيح و علاوه » قسمى واردركه
 آندهده برسنه ظرفنده كي وفيات اعيان دول ايله سالنامە نك اثنای طبعنده واقع

اولان توجیهات و سئو سابقه ذهول و یا سهو واقع اقلش خصوصات حقنه
ایضا جات و تصحیحات گوریلور.

آلماناق دو غوطه هر سئو کی نسخه سئو سئو سابقه برر صورتله کسب اشتہار
ایدن و یا تبدل و یا خود ازدواج ایلیان خاندان افرادینک تصویر لرینی ده درج ایلر.
بوسئو مخصص نسخه سئو ایسه ماری تهره ز پرنسس دو باویہر ایله پرنس
دوباویہرک و فرانسه رئیس جمهوری موسیو لوبه نک و ارنست پرنس دولقو و نشتاينک
تصویر لرینی نشر ایتشد.

آلماناق دو غوطه نک فرانسه جہسی بر میلیون و آلمانجہسی ۱۰۰ بیك نسخه
تمیل اولنور.

فرانسه جہسی ۱۰ فرانقه و آلمانجہسی ۱۰ مارق در.

ابوالضیا توفیق

